

«Saksnummer 2014115979»

Rosnes, 10.02.2015.

Statens vegvesen Region vest,
Askedalen 4, 6863 Leikanger.

Syner til varsel om oppstart av planarbeid Fv 57 lindås tettstad-Mongstad datert 09.01.2015.

Underteikna var diverre ikkje på informasjonsmøte i Lindåshallen den 29..2015.
Eg har likevel ein merknad som må koma med i vidare planarbeid.

Under utbetring av Fv 57 i 1972-74 vart det frå vegvesenet si side fullstendig ignorert at der gjekk sjøaure opp gjennom kvernhuselva frå Rosnesvågen til Tykhellevatnet. To grunneigarar prøvde nesten å stansa utbygginga for å få til ei god løysing for nytt elvefar under nyevegen. Alle forslag til løysing vart kontant avvist. I dag vet vel slik framferd kalla miljøkriminalitet?

Rør i elva ut frå Tykhellevatnet mot Rosnesvågen vart såleis lagt i same nedløpet som tidlegare elvefar. Dette medførte så lang, rett og bratt strekning at sjøauren dermed ikkje lenger kjem opp til vatnet. Aure som vandrar ut av vatnet om hausten ligg svimeslegen i kulpen ved utløpet av rør under veggen. Dette vert såleis ein god fiskeplas der kattar lett får seg eit måltid.

Dersom planen medfører omarbeiding/utbetring av av esisterande Fv 57 i samband med etablering av gang- og sykkelveg forbi Rosnes ber eg om at elva mellom Rosnesvågen og Tykhellevatnet vert tilbakeført til ein slik tilstand at sjøaure fortsatt kan koma uhindra frå sjøen og opp i vatnet.

Sender vedlagt kart over korleis elva går i rør under i dag, og korleis forslag frå både meg og tidlegare grunneigarar er for å få ei betre løysing.

Vonar at dette kan løysast på ein god måte denne gongen.

Medc helsing

Otttar Rosnes
Eigar av Gnr. 117 Br.nr. 2